

壽世秘典

西



南京中医药大学图书馆版权所有
南京中医药大学 1951

壽世秘典卷五

集方小序

方書從來尚矣先正有言不得爲良相當爲良醫仁人君子之用心固如此也是以名公鉅儒動有述焉然劑重者弗簡品奇者弗易弗簡則倉猝莫辦弗易則貧者難得方雖良力有能不能勢有及不及能濟矣未能普也昔廬陵彭用光集簡易普濟良方最爲善也竊取其意於先哲名論及古雜記所載驗方彙爲一編庶幾術不煩而恩施可普

爲集方

天柱丁其譽識

典目

內科諸症

外科諸症

損傷

刀刃傷

金鏃竹木傷

諸刺入肉

諸骨哽咽

悞吞諸物

杖瘡

湯火傷

人咬傷

諸獸傷

諸蟲傷

諸蟲入耳

諸毒



南京中医药大学图书馆版权所有

蟲毒

五絕

辟禳疫氣

清暑避寒
藥酒

壽世秘典卷五

集方

中風

中風之病古方冠諸方首以其爲人之大病也夫風乃六淫中之一天之邪氣自外而入者也嚴用和云人之元氣強壯榮衛和平腠理緻密外邪焉能爲害或因七情飲食勞役致真氣先虛榮衛空疎邪氣乘虛而入故致此疾古人用藥皆是發散表

書廿二
卷五
邪通行經絡之劑以其自表而入亦當自表而出
也須分所挾有寒熱溫涼之異受邪有臟腑經絡
之殊蓋病邪有虛有實難一槩論不可便以苦寒
之藥妄下龍麝硃砂牛黃諸鎮墜之藥恐引風入
骨髓如油入麪莫之能出若中臟痰涎昏冒煩熱
者宜用之下痰鎮墜清神如小便少亦不可以藥
利之若利之使榮衛枯竭無以制火煩熱愈甚當
使熱退汗止小便自行也

發明云風中血脉者病在半表半裏口眼喎斜半身

作痛中腑者其病在表多著四肢故肢節廢脈浮
惡風拘急不仁中臟者其病在裏多滯九竅故唇
吻不收二便閉結不能言口吐涎沫則性命危凡
治莫如調氣養血治痰諸法然此可扶持疾病若
收全功火艾爲良也

凡中風不省人事牙關緊急用細辛生半夏皂角爲
末吹入鼻內有嚏可治無嚏不治最要分別閉與
脫二證明白如牙關緊閉兩手握固卽是閉證用
三生之飲之類開之若口開心絕手撒脾絕眼合

肝絕遺尿腎絕聲如鼾睡肺絕卽是脫證更有吐沫直視搖頭上竄面赤如粧汗出如珠皆脫絕之證宜大劑理中湯灌之及灸臍下雖曰不治亦可救十中之一若誤服蘇合香丸牛黃至寶丹之類卽不可救矣

折肱漫錄云凡卒中之症醫者先進牛黃清心丸次用祛風化痰之劑絕無一効及閱立齋醫案治卒中昏憒口眼喎斜痰氣上湧咽喉有聲六脉沉伏此真氣虛而風邪所乘以三生飲一兩加人參一

兩煎服卽甦卽五不治症用之亦有得生者夫前
飲乃行經絡治寒痰之藥有斬關奪旗之功必用
人參兩許駕驅其邪而補助真氣否則無益觀先
哲用芪附參附等湯其義可見若牛黃丸乃香散
通經之藥單服則真氣愈散矣亦宜用人參兩許
煎服方効又有虛火衝逆熱痰壅塞以致昏憤顛
仆者狀類中風附子恐非所宜薛立齋謂是元氣
虛火挾痰而作急灌童便神思漸爽用十全大補

湯調治可安

王節齋云凡中風偏枯麻木症之痰必用南星半夏立齋云先用前藥清其痰卽用六君子之類扶其胃氣痰自不生若槩用風藥耗其陽氣而絕陰血之源適足以成其風益其病耳

王肯堂筆麈云每見時醫治中風初用八味順氣散多不得效已而用二陳四物加膽星天麻之類自謂穩當之極可以奏功而亦竟無一驗何也蓋妄以南星半夏爲化痰之藥當歸川芎爲生血之劑而泥於成方變通無法故也正不知通血脉助真

元非大劑人參不可而有痰者惟宜竹瀝少加薑
汁佐之不宜輕用燥劑至於歸地甘粘能滯脾氣
使脾精不運何以能愈癱緩豈若人參出陽入陰
少則留多則宣無所不達哉其能通血脉雖明載
本草人誰信之

王安道曰人有卒暴僵仆或偏枯或四肢不舉或不知人世以中風呼之方書亦以中風治之不知因於風者真中風也因火因氣因於溼者類中風而非中風也不可以因火因氣因溼之證與中風同

治則真僞不分

許學士云世言氣中者雖不見于方書然暴怒傷陰
暴喜傷陽故憂愁不已氣多厥逆涎潮昏塞牙關
緊急極與中風相似若作中風誤治多致殺人經
云無故而瘡脉不至者雖不治自己謂氣暴逆也
氣復自愈

王肯堂云中氣與中風相似但風中身溫且多痰涎
氣中身冷而無痰涎風中脈浮應人迎氣中脉沉
應氣口以氣藥治風猶可以風藥治氣則不可

凡男子婦人涎潮於心卒然中倒當卽時扶入暖室
中正坐醋炭熏之令醋氣衝入口鼻內良久其涎
潮聚於心者自收歸舊輕者卽醒重者亦省人事
唯不可喫一滴湯水如喫湯水則其涎永繫於心
絡不能去必成廢人

肥人多中氣盛于外而虧于內也人肥必氣急而肺
盛肺金尅肝木故痰盛治法以理氣爲急

寶鑑云凡人初覺手指麻木或不用者三年內有中
風之患宜預防之當養氣血節飲食戒七情遠憚

書 十 種

卷三

幙可也

折肱漫錄云指麻當防中風預防之法有言宜祛風化痰者可服搜風天麻二丸出乾坤生意諸方其說大謬有言宜順氣活血者謂氣行則痰自消血活則風自滅其言近理惟薛立齋謂指麻是脾氣不能周真確論也又不加意調攝以致虛而又虛故忽有中風之症若認因風而得麻專預餌祛風燥溼之劑以防之真所謂招風取中矣蓋搜風等丸多殘賊脾胃之藥不可輕服凡人脾氣不傷雖

病可療若脾元一敗盧扁却走乾坤生意等書悞

人不淺

肌肉蠕動方書亦指爲風薛立齋獨主氣血虛熱但補氣血不作風治故不受其害

此論高

出等爻

三生飲

治卒中昏不知人口眼喎斜半身不遂并

痰厥

南星

生用一兩

川烏

去皮生用五錢

生附子

五錢

木香

二二錢

右每服五錢薑七片水煎服

附子理中湯

人參

附子

炮

乾薑

炒

甘草

炒

白术

右各等分水煎服

滌痰湯 治中風不語

天南星

二錢
薑製

石菖蒲

人參各一錢 半夏一錢

枳實

麸炒

茯苓

橘紅各一錢 半竹茹六分

甘草

右薑五片水煎服

中風痰厥氣厥中惡一切急病咽喉不通及牙關緊

閉



南京中医药大学图书馆版权所有
南京中医药大学 1956